

realizaciju drugog projekta koji će se izvjesno realizirati do kraja planskog perioda

Član 20.

(Praćenje izvršenja Budžeta)

- (1) Godišnji izvještaj o izvršenju Budžeta, gradonačelnik-ca podnosi Gradskom vijeću Grada Sarajeva na usvajanje.
- (2) Gradska služba finansija izrađuje tromjesečne, šestomjesečne, i godišnje izvještaje o utrošku sredstava Budžeta i dostavlja ih gradonačelniku-ci, a infirmira Gradsko vijeće o periodičnom izvršenju Budžeta u skladu s Programom rada Gradskog vijeća.
- (3) Tromjesečni, šestomjesečni i godišnji izvještaji o izvršenju Budžeta objavljuju se u "Službenim novinama Kantona Sarajevo".

DIO ČETVRTI - REVIZIJA I KONTROLA BUDŽETA

Član 21.

(Revizija Budžeta)

- (1) Reviziju Budžeta vrši Ured za reviziju budžeta - proračuna u Federaciji BiH u skladu sa Zakonom.
- (2) Služba finansija prati korištenje budžetskih sredstava na planiranim i odobrenim pozicijama korisnika.

DIO PETI - PRIJELAZNE I ZAVRŠNE ODREDBE

Član 22.

(Direktna primjena Zakona)

- (1) Odredbe koje nisu regulisane ovom Odlukom direktno se primjenjuju iz Zakona o budžetima Federacije BiH.

Član 23.

(Stupanje na snagu)

- (1) Ova Odluka stupa na snagu dan po objavljivanju u "Službenim novinama Kantona Sarajevo", a važi za 2008. godinu.

Broj 01-02-64/08
18. decembra 2007. godine
Sarajevo

Predsjedavajući
Gradskog vijeća
Marin Ivanišević, s. r.

Na osnovu člana 9. Zakona o komunalnim djelatnostima ("Službene novine Kantona Sarajevo", broj 31/04 i 21/05 - ispravka) i člana 15. stav (1) tačka 2. i člana 24. stav (1) tačka 2. Statuta Grada Sarajeva ("Službene novine Kantona Sarajeva", broj 12/98, 14/98 i 25/05), Gradsko vijeće Grada Sarajeva, na sjednici od 18. decembra 2007. godine, donosi

ODLUKU

**O IZGRADNJI, REKONSTRUKCIJI I ODRŽAVANJU
JAVNIH ČESMI I FONTANA, JAVNIH KUPATILA I
JAVNIH NUŽNIKA**

Član 1.

Predmet

Ovom Odlukom utvrđuje se nadležnost izgradnje i rekonstrukcije, te načini i sadržaji održavanja javnih česmi i fontana, javnih kupatila i javnih nužnika (u daljnjem tekstu: komunalni objekti) koji su u vlasništvu, odnosno nadležnosti Grada Sarajeva.

Član 2.

Pojmovi

- (1) Pod održavanjem se podrazumijevaju redovni i vanredni poslovi koji se vrše u cilju stalnog rada i funkcije komunalnih objekata.
- (2) Pod javnim česnama i fontanama, javnim kupatilima i javnim nužnicima u vlasništvu odnosno nadležnosti Grada

Sarajeva se podrazumijevaju oni komunalni objekti koje su Grad Sarajevo, Kanton Sarajevo i gradske općine izgradili odnosno obnovili, ako služi javnoj upotrebi.

Član 3.

Davalac komunalne usluge

- (1) Održavanje javnih česmi, fontana, javnih kupatila i javnih nužnika povjerava se javnom komunalnom preduzeću osnovanom za obavljanje ove djelatnosti (u daljnjem tekstu: davalac komunalne usluge).
- (2) Davalac komunalne usluge iz stava 1) ovog člana održava javne nužnike i javna kupatila u dijelu koji se odnosi na tehničku ispravnost i funkcionalnost ovih komunalnih objekata.
- (3) Održavanje javnih nužnika i javnih kupatila u dijelu koji se odnosi na održavanje higijene i dežurstvo u ovim komunalnim objektima, u skladu sa članom 10. Zakona o komunalnim djelatnostima ("Službene novine Kantona Sarajevo", broj 31/04), povjerava se privrednom društvu ili fizičkom licu (u daljnjem tekstu: davalac komunalne usluge).
- (4) Sa davaocima komunalne usluge iz stava 1) i 3) ovog člana gradonačelnik-ca će zaključiti ugovore kojim će se regulisati način pružanja komunalne usluge.

Član 4.

Obaveze davaoca komunalne usluge

U vršenju poslova davaoci komunalnih usluga su obavezani, a naročito:

- a) održavati čistim česme, fontane i njihov okolni prostor, javna kupatila i javne nužnike;
- b) održavati javne česme i fontane u svakodnevnoj funkciji. Utvrđuje se poseban režim rada u periodu 1. 12. do 1. 3. i to:
 - funkcije česmi se podešavaju tako da se spriječi zaleđivanje instalacija,
 - u navedenom periodu fontane se privremeno konzerviraju i stavljaju van funkcije;
 - izuzetak su fontane projektovane za rad u svim godišnjim dobima.
- c) vršiti čišćenje instalacija, opreme i objekata, opravku i zamjenu instalacionog materijala česmi i fontana;
- d) vršiti nabavku profesionalnih sanitarnih sredstava za čišćenje, sanaciju i zamjenu oštećenih instalacija i drugih sanitarnih elemenata;
- e) organizirati dežurstva u javnim nužnicima;
- f) vršiti evidentiranje utroška vode i drugih energenata i uredno plaćanje računa. Račune za utrošenu vodu i druge energente dostavljati nadležnoj službi Gradske uprave;
- g) vršiti i druge poslove utvrđene ugovorom.

Član 5.

Evidencija komunalnih objekata

Grad Sarajevo će voditi evidenciju svih komunalnih objekata iz člana 1. ove Odluke.

Član 6.

Finansijska sredstva

Sredstva potrebna za realizaciju ove Odluke obezbjeđuju se u Budžetu Grada Sarajeva.

Član 7.

Nadzor

Nadzor na provođenjem Odluke vrši gradonačelnik-ca putem nadležne službe.

Inspekcijски nadzor vrši gradski komunalni inspektor.

Član 8.

Prekršajne odredbe

Za kršenje odredaba člana 4. ove Odluke, uz mogućnost raskidanja ugovora o održavanju, kaznit će se davalac komunalne usluge i to:

- a) pravno lice novčanom kaznom u iznosu od 1.000,00 KM do 3.000,00 KM;
- b) odgovorno lice u pravnom licu novčanom kaznom u iznosu od 500,00 do 1.000,00 KM.

Član 9.

Prihod od naplaćenih kazni

Prihod ostvaren naplatom novčanih kazni propisanih ovom Odlukom je prihod Budžeta Grada Sarajeva.

Član 10.

Sporazum

- (1) Kanton Sarajevo, Grad Sarajevo i gradske općine koje su izgradile javne česme i fontane, javna kupatila i javne nužnike regulisat će posebnim sporazumom međusobne odnose vezane za održavanje komunalnih objekata koji su predmet Odluke kao i prijenos nadležnosti na Grad Sarajevo radi njihovog održavanja.
- (2) Sporazum iz stava (1) ovog člana će se donijeti u roku od 3 mjeseca od dana stupanja na snagu ove Odluke.

Član 11.

Izmjene i dopune Odluke

Izmjene i dopune Odluke vrše se na način i po postupku za njeno donošenje.

Član 12.

Stupanje na snagu

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-59/08
18. decembra 2007. godine
Sarajevo

Predsjedavajući
Gradskog vijeća
Marin Ivanišević, s. r.

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), a u vezi sa članom 13. Odluke o uslovima i postupku za podizanje, izmještanje i premještanje spomenika od značaja za Grad Sarajevo ("Službene novine Kantona Sarajevo", broj 5/06), Gradsko vijeće Grada Sarajeva, na sjednici od 18. decembra 2007. godine, donosi

ODLUKU

**O IZMJENAMA I DOPUNAMA ODLUKE O USLOVIMA
I POSTUPKU ZA PODIZANJE, IZMJEŠTANJE I
PREMJEŠTANJE SPOMENIKA OD ZNAČAJA ZA
GRAD SARAJEVO**

Član 1.

U Odluci o uslovima i postupku za podizanje, izmještanje i premještanje spomenika od značaja za Grad Sarajevo ("Službene novine Kantona Sarajevo", broj 5/06,) član 2. mijenja se i glasi:

"Član 2.

Spomenicima u smislu ove odluke smatraju se: skulpture, biste, spomen-kompleksi, spomen-ploče, spomen-pokloni, spomen-česme i fontane, te slični objekti, obilježja i predmeti koji su svojim sadržajem, estetskim izgledom i funkcionalnošću namijenjeni, kako očuvanju uspomena na historijske događaje i osobe od posebnog značaja za Grad Sarajevo, tako i estetskom uređenju Grada.

Pod historijskim događajima od značaja za Grad Sarajevo podrazumijevaju se događaji koji su na poseban način obilježili bližu i dalju historiju i život Grada Sarajeva.

Pod osobama od posebnog značaja za Grad Sarajevo, podrazumijevaju se osobe koje su svojim djelovanjem dale poseban doprinos razvoju i afirmaciji Grada Sarajeva, te očuvanju civilizacijskih vrijednosti, multietničnosti i posebnosti Grada Sarajeva."

Član 2.

Član 3. briše se.

Član 3.

U članu 4. stav 1. mijenja se i glasi:

"Grad Sarajevo odlučuje o podizanju, izmještanju i premještanju Spomenika, o čemu Gradsko vijeće Grada Sarajeva donosi posebnu odluku."

Iza stava 1. dodaje se novi stav 2. koji glasi:

"Pod podizanjem Spomenika, u smislu ove odluke, podrazumijeva se njihova izrada, izgradnja i postavljanje na objekte, zemljište i druge prostore na području Grada Sarajeva."

Dosadašnji stav 2. postaje stav 3, a u dosadašnjem stavu 3., koji postaje stav 4., na početku rečenice dodaje se riječ "Podizanje" i interpunkcijski znak ",."

Član 4.

Iza člana 4. dodaje se novi član 4a. koji glasi:
"4.a.

Grad Sarajevo može podizanje, izmještanje i premještanje Spomenika finansirati u potpunosti, iz sredstava Grada Sarajeva, kao i djelimično, zajedničkim finansiranjem iz sredstava Grada Sarajeva i sredstava podnosioca inicijative (sufinansiranje).

Podizanje, izmještanje i premještanje Spomenika može se potpuno finansirati iz sredstava podnosioca inicijative.

O načinu finansiranja iz stava 1. i 2. ovog člana, odlučuje Gradsko vijeće Grada Sarajeva, odlukom iz člana 3. stav 1. ove odluke."

Član 5.

U članu 5. stav 1., iza riječi: "Grad Sarajevo", dodaju se riječi: "pravna lica" i interpunkcijski znak ",."

U članu 5. stav 2. briše se.

U članu 5. iza stava 1. dodaju se novi stavovi 2., 3. i 4. koji glase:

"Inicijativa iz stava 1. ovog člana, mora da sadrži precizno izražen način finansiranja podizanja, izmještanja ili premještanja Spomenika.

Inicijativa za podizanje Spomenika, pored načina finansiranja, mora da sadrži i prijedlog lokacije, kao i prijedlog idejnog rješenja Spomenika.

Inicijativa za premještanje i izmještanje Spomenika, pored načina finansiranja, mora da sadrži i prijedlog nove lokacije Spomenika."

Član 6.

Iza člana 5. dodaju se novi čl. 5.a. i 5b. koji glase:
"5.a.

Inicijativa za podizanje, izmještanje i premještanje Spomenika podnosi se Komisiji za spomenike Gradskog vijeća Grada Sarajeva (u daljnjem tekstu: Komisija).

Komisija se osniva posebnom odlukom Gradskog vijeća Grada Sarajeva, a istu čine vijećnici Gradskog vijeća, te ugledni stručni, naučni i javni djelatnici iz predmetne oblasti.

5.b.

Inicijativu za podizanje Spomenika, Komisija razmatra i procjenjuje istu sa stanovišta značaja za Grad Sarajevo.

Inicijativu za izmještanje i premještanje Spomenika, Komisija razmatra i procjenjuje istu sa stanovišta opravdanosti slučajeva i situacija.

Kada Komisija, na osnovu procjene iz stava 1. i 2. ovog člana, ocijeni da je podnesena inicijativa prihvatljiva, svoj prijedlog odluke o podizanju, odnosno izmještanju ili premještanju Spomenika, obrazložen svojim stavovima i mišljenjima, upućuje Gradskom vijeću Grada Sarajeva, na konačno odlučivanje.